

Ш. ПИДАЕВ

СИРЛИ
КУШОНЛАР
САЛТАНАТИ

Масъул мұхаррир —
УзССР ФА иниг академиги А. А. АСҚАРОВ

ТОШКЕНТ
УЗБЕҚИСТОН ССР «ФАН» НАШРИЁТИ
1990

Мазкур рисолада Шарқдаги энг қадимий маданият марказларидан бири, Урга Осиё халқларининг төрән ўтмишини ҳикоя қилувчи ўлка — Бактрия тарихининг баъзи масалалари ҳақида сўз боради.

Археологлар томонидан топилган ғоят муҳим ашёвий далиллар бу мамлакатнинг дунё цивилизациясида катта роль ўйнаган сиёсий-иқтисодий ва маданий томондан ўта ривожланган, қадим-қадимдан ўз маданияти, урф-одати шаклланган тарихий давлат эканлигидан далолат беради.

Рисола кенг китобхонлар оммасига мўлжалланган.

Тақризчилар:

УзССР ФА мухбир аъзоси У. И. ИСЛОМОВ
тарих фанлари номзоди А. К. КАБИРОВ

П—050400000—262
М 355(04)—90 193—90

©Ўзбекистон ССР «Фан» нашриёти, 1990 й.
ISBN 5—648—00644—6

ҚИРИШ

Бактрия ўлкасининг тарихи фақатгина бир мамлакат ёки халқининг тарихи бўлмай, балки дунё тарихининг ажралмас бир қисмидир. Унинг маданияти жаҳон маданиятиниң шаклланишига катта ҳисса қўшиб, иносият тарихида ўчмас из қолдирди.

Бактрия вилояти ҳозирги Ўзбекистон ва Тожикистоннинг жанубий районлари, Туркменистоннинг жануби-шарқий қисмини ва Афғонистоннинг шимолий районларини ўз ичига олиб, у шимолда қадимги Суғдиёна, жанубда ва жануби-шарқда Арахосна ва Панхара, ғарбда эса Марғиёна вилоятлари билан чегарадош бўлган. Илмий адабиётларда Бактрияниң Ўрта Осиё республикалари териториясига кирган қисмига «Шимолий Бактрия», Афғонистонга қарашли қисмига нисбатан эса «Жанубий Бактрия» иборасини ишлатиш қабул қилинган. Бактрия эронча сўз бўлиб, бохтар замин, яъни шарқдаги ўлка маъносини билдиради.

Бактрия ўзининг қулай географик ўрни ва табиий шаронти билан қадимдан одамларни ўзига жалб қилиб келган. Текширишлар илк бор бу ўлкада одамлар қадимги тош даврида яшаганликларини кўрсатмоқда. Ҳозир бу ерда кишилик жамияти тараққиётининг турли даврларига оид ёдгорликларниң борлиги аниқланди. Тош даврига оид Тешиктош, Мачой, бронза даврига тааллуқли Сополлитепа, Мулали, Кучуктепанинг пастки қатламлари; қадимги Бактрия даврига мансуб Қизилтепа, Таллашкоитепа; антик даврга оид Холчаён, қадимги Термизининг пастки қатламлари, Айртом, Далварзинтепа, Қоратепа, Файзтепа ва илк ўрта асрларниң Болаликтепа, Куёвқўргон каби ёдгорликлари шулар жумласидандир. Бу ёдгорликларда археологик қазиш ишлари кенг миқёсда олиб борилмоқда. Афсуски, бу тадқиқотларниң натижаларини мукаммал баён қилишга мазкур рисоланинг ҳажми имкон бермайди. Шунинг учун ушбу рисолада милоднинг бошларидан то милоднинг IV асригача бўлган Бактрия маданияти ва тарихининг баъзи масалалари тўғрисида сўз юритилади.

ИЛК КУШОНЛАР ВАТАНИДА

Анъана — бу ўтмисидаги тараққиёт-дир.

Келажакда эса тараққиёт анъанага айланади.

ЭРРИО

Кушонлар даври Ўрта Осиё, Афғонистон, Покистон ва Ҳиндишон халқлари тарихидагина эмас, балки бутун дунё маданиятининг тараққиётидаги алоҳида ўрин эгаллайди. Бу даврда этник маданияти, тили ва динлари ҳар хил бўлган халқларнинг сиёсий жиҳатдан бирлашиши айниқса муҳим аҳамиятга эга бўлди. Турли халқлар маданиятининг ҷатишиши натижасида бу ерда ўзига хос янги маданият шаклланди ва ривожланди. Ўз навбатида, кейинги асрлар маданиятининг тараққиётига ҳам замин бўлиб хизмат қилди. Шу билан бирга кушонлар даври Марказий ва Ўрта Осиё халқларининг олдинги даврдаги тараққиётига якун ясади. Шундан сўнг Шарқ ва Ғарб маданиятларининг ўзаро таъсири янги тарихий босқичга қадам қўйди. Эллин маданиятининг анъаналари кушонлар даврида ижодий жиҳатдан қайта шаклланди ва янгича талқин қилина бошланди.

Ҳозир кушонлар давридаги Марказий ва Ўрта Осиё халқларининг юқори тараққий этган маданиятидан гувоҳлик берувчи жуда кўп моддий ва маданий далиллар мавжуд. Аммо кушонларнинг келиб чиқиши, салтанатнинг шимолий чегаралари, кушон шоҳларининг ҳукмронлик қилган йилларини, кушонлар давлатининг ижтимоий тузуми, диний эътиқодлари, тили ва ёзуви қаби масалаларини ёритувчи ёзма манбалар деярли йўқ. Шу боисдан бу саволларга асосан археологик тадқиқотлардан жавоб топиш мумкин.

Кушон салтанатининг бешиги ва дастлабки пойтахти Бактрия бўлган. Маълумки, милоддан олдинги 140—130 йилларда Юнон-Бактрия шоҳлиги кўчманчи сак қабилаларининг Бактрияга қилган ҳарбий юришлари натижасида қаттиқ ларзага келди. Сак қабиласи шарқда кўчманчи «катта юечжи» қабилаларидан мағлубиятга учрагандан сўнг уларнинг таъқиби остида Бакт-

рия томон сийжиган эдилар. Ўз навбатида, «катта юечжи» қабиласи аввал кўчманчи хунлар қабиласи, сўнгра усунлар билан бўлган жаигларда мағлубиятга учрагандан сўнг ғарбга — сак қабиласи яшаб турган ерларга, кейинчалик Бактрия ерларига чекинишга мажбур бўлдила. Шундай қилиб, «катта юечжи» қабиласи Бактрия тупроғида пайдо бўлиб, Бактрияниң бой шаҳар ва қишлоқлари кўчманчиларининг қалбларида ҳасад ўтларини ёқди. Кўчманчилар Бактрия шаҳар ва қишлоқларига ўт қўйдилар, маҳаллий аҳолининг бутун бойликтарини таладилар. Бу вақтда Юнон-Бактрия шоҳлиги тинмай давом этаётган ҳарбий тўнтаришлар, сунқасдлар, ўзаро урушлар ва кўчманчи саклар қабиласининг зарби натижасида ичдан дарз кетган эди. Улар бу гал кўчманчиларга қаттиқ қаршилик кўрсата олмай, енгилдилар. Шундай қилиб, юз йилдан кўпроқ ҳукмронлик қилган Юнон-Бактрия шоҳлиги кўчманчилар ҳужуми остида қулади. Кўчманчилар эса тахминан юз йилдан кейин Буюк кушонлар салтанатига асос солдилар.


Ёзма манбаларга қараганда «катта юечжи» қабиласи Юнон-Бактрия шоҳлиги устидан ғалаба қозонгандан сўнг Амударёниң ўнг соҳилига (Шимолий Бактрия) жойлашади ва бешта князликка — Хюмӣ, Шуанми, Хисе, Думи ва Гуйшуванга бўлиниди. Кўчманчи қабилалар Бактрияниң бой анъаналари, тараққий этган давлат тузуми ва юқори ривожланган маданиятининг шоҳиди бўлдила. Бактрияликлар ўзларининг шактимоний-иқтисодий тузуми билан кўчманчилардан анча юқорида турадар эдилар.

Шунинг учун улар бактрияликлариниг ютуқларини ўзлаштиришга киришдилар. Бу фақатгина кўчманчи қабилалариниг хоҳишигини бўлмай, балки жамият тараққиёти тақозоси ҳам эди. Биринчи ўринда кўчманчи қабилалариниг ҳокимлари Бактрияда зўр тараққий этгани товар-пул муомаласини ҳал қилишга киришдилар. Табиийки, бу ҳол юечжи ҳокимларидан бозорни тўлдириш учун янги тангалар чиқаришни талаб қилас, уларнинг эса бу соҳада тажрибаси йўқ эди. Шунинг учун улар энг оддий усул, яъни мазкур территорида муомалада юрган Евкратид ва Гелиокл тангаларига тақлид қилиб танга зарб қила бошладилар (1-расм).

Олиб борилаётган археологик тадқиқотларга қараганда, Гелиокл тангаларига тақлид қилиб чиқарилган тангалар бу даврда кўпроқ муомалада бўлган. Тангалариниг олд томонида номаълум шоҳининг боши, орқа

томонида юнонлар худоси Зевснинг ҳайкали тасвирланган. Қизиги шундаки, бу хилдаги тангаларниң асосий қисми ҳозирги Сурхондарё вилоятидан тошилди. Тожикистон ССРниң шаҳар ва қишлоқларида мазкур хилдаги тангалар оз, Жанубий Бактрияда эса саноқди.

Шунга кўра бу хилдаги тангалар Сурхондарёда жойлашган бирон-бир шаҳарда, жумладан Даъварзинтепа ўрнида бўлган шаҳарда зарб қилинган деб тахмин қилишимизга асос бор. Чунки, тангани фақат бош ҳукмдор зарб қилиши мумкин бўлган. Тахмин қилиншича, бу тангалар кушони — гуйшуан вилоятининг ҳокимлари томонидан зарб қилинган. Бундай деб ҳисоблашга сабаб бор, албатта. Юқорида қайд қилингани-



1-расм. Бактрия тангалари.

дек, муомалада бўлган тангаларниң орқа томонида юнонлар худоси Зевс тасвирланган. Лекин вақт ўтиши билан Зевснинг тасвири ўрнига танганиң орқа томонига отининг расмии жойлаштирганилар. Маълумки, ўрта Осиё ҳалқлари ва, айниқса, кўчманчи қабилалар отин улуглаб, унга сажда қилганилар. От тасвириниң таигага жойлаштирилиши, бу ерда янги давлатниң пайдо бўлаётганинидан далолат беради. От тасвири бўлган тангалар ҳозирча асосан Сурхондарёда ва, айниқса, Даъварзинтепа, Холчаён атрофидан тошилмоқда. Демак, пайдо бўлаётган янги давлатниң пойтахти Сурхондарёда бўлган. Шунга асосланиб, Пугаченкова Г. А. кушон-гуйшуан вилоятининг пойтахти Даъварзинтепа ўрнида бўлса керак, деб ҳисоблайди. Янги давлат тараққиётининг иккинчи босқичида тангаларниң олд томонидаги тасвир ҳам ўзгаради. Унда шоҳнинг ҳайкали тасвирланган (2-расм). Унинг юз қиёфаси Холчаёнда тошилган ҳайкалларга ўхшайди. Тангаларниң орқа томонида отлиқ киши тасвирланган ва юон ҳарғлари

били билан битилган тўртта сўз ҳам мавжуд. Биринчи сўз ҳукмрои, иккинчи сўз Герай, учинчи сўз ҳалигача ўқилмаган, тўртнинчи сўз кушон деб ўқилади. Шундай қилиб, биринчи гўйшуан-кушон уруғидан бўлган ҳукмроннинг номи бизга маълум бўлди. Лекин, афсуски, ҳалигача Герайниг қачон ҳукмронлик қилганлиги бизга номаълум. Кўпгина тадқиқотчилар уни милоддан олдинги биринчи асрнинг иккинчи ярмида ҳукмронлик қилган бўлса керак, деб ҳисоблайдилар. Ёзма манбаларда бу тўғрида ҳеч нарса зикр этилмаган. Лекин кушонларнинг Герай ҳукмроилинидан кейинги тақдири ва уларнинг тарих саҳнасига кириб келишлари тўғрисида хи-



2-расм. Таигаларда тасвирланган шоҳ ҳайкали.

той йилномаларида баъзи бир маълумотлар бор. Йилномада юечжи қабилалари Бактрияни босиб олганларидан кейин тахминан юз йилдан кўпроқ вақт ўтгач, гўйшуан ҳокими Кадфиз қолган тўрт юечжи ҳокимини мағлубиятга учратгани ва ўзини Кушон ҳукмдори деб эълон қиласа. Тахмин қилинишича, Кужула Кадфиз Герайнинг ё ўғли, ёки набираси бўлган. Кужула Кадфиз юечжи қабилаларини ўз кўли остида бирлаштиргандан сўнг, ўша дазрининг кучли салтанатларидан бири ҳисобланган Парфия (Анъси) билан уруш бошлади ва ундан Кобул (Гаофу)ни тортиб олди. Тезда бу ақлли, айёр сиёсатдон ва буюк лашкарбоши Арохосия (Пуду) ва Кашмирни босиб олди ва шундай қилиб, кушонлар салтанатига асос солди. У 80 йил умр кўрган. Афсуски, бу шоҳнинг ичанчи йилларда ҳукмронлик қилганлиги ҳам бизга маълум эмас, қолган ҳукмронлар ҳақида ҳам шунцоқ айтиш мумкин. Кужула Кадфиз вафотидан сўнг тахтга унинг ўғли Вима Кадфиз (Янъгаочжень) ўтириб. У тахминан 30 йилча шоҳлик қиласа даврида отасининг сиёсатини давом эттириб, салтанатга Хиндистоннинг шимоли-ғарбий қисмларини қўшиб олди. Бу

шоҳ давлатининг иқтисодий ҳаётиниң янада мустаҳкамлаш ниятида салтанатда пул ислоҳотини ўтказди. Ислоҳотга биноан мамлакатда мис тангалардан ташқари олтин тангалар ҳам муомалага киритилди. Олтин тангаларниң қиймати унинг оғирлигига қараб белгиланган. Мамлакатда қўш динорлар, динор, ярим динор ва чорак динорлар муомалада бўлган. Бир динор 8 грамм олтинга тенг бўлган. Бу даврдаги кушонлар салтанатининг маъмурий тузуми ёзма маибаларда жуда кам ёритилган. Бизнингча, салтанат бир неча сатрапликка бўлинган бўлиб, улар шоҳ томонидан тайинланган вољий—сатрап орқали идора қилинган. Одатда сатрап қилиб шоҳнинг ўғиллари ва энг яқин қариндошлари тайинланган. Бактрия ҳам кушонлар салтанати таркибидаги бир сатрап бўлган. Шубҳасиз, ижтимоий-иқтисодий жиҳатдан тараққий этган Бактрия сатраплиги салтанат ҳаётида алоҳида роль ўйнаган. Вима Кадфиз замонида кушонлар салтанатининг пойтахти ҳозирги Пешавор яқинида бўлган.

Вима Кадфиз вафотидан кейин унинг ўрнини ўғли Канишка эгаллади. Бу шоҳ ҳукмронлик қилган йилларда кушонлар салтанати ўз тараққиётининг энг юқори нуқтасига кўтарилади. Кушонлар салтанатига қарашли ерлар кенгайтирилди, ҳозирги Панжоб, Синд, Уттар Прадеш штатларида ерлар қўшиб олиниди. Шарқда салтанатининг чегараси Банорасгача етди. Канишка Хитой империяси билан уруш олиб бориб, ундан Шарқий Туркистонни тортиб олди. У Парфия салтанати билан бўлиб ўтган жангларда ҳам бир қатор ғалабаларни қўлга киритди.

Канишка салтанатига қарашли ерларни янада кенгайтириш билан бирга давлатни ичдан мустаҳкамлашга ҳам катта эътибор берди ва бунинг учун бир неча ислоҳотлар ўтказди. Ўтказилган ислоҳотларнинг энг муҳимларидан бири будда динининг давлат дини деб эълон қилинишидир. Будда динини қабул қилган Канишка бутпастларнинг биринчи ҳомийсига айланди. Унинг даврида жуда кўп будда ибодатхоналари қурилди. Катта аҳамиятга молиҳ бўлган тадбирлардан яна бири салтанат терриориясида бактр тили ролининг ошиши бўлди. Балки бактр тили давлат тили ҳам бўлгандир. Ҳар қалай Канишка томонидан зарб қилинган тангаларда юон тилида ёзилган сўзлар ўрнига бактр тилида ёзилган сўзларнинг пайдо бўлиши бежиз эмас.

Канишканинг шоҳлик қилган йиллари тўғрисида бир қанча тахминлар бор. Ёзма маибаларга қараганда Ка-


нишка 23 йил шоҳлик қилган. Унинг вафотидан кейин таҳтни Хувишқа эгаллайди. Бу шоҳ ҳукмронлик қилган йилларда салтанат сиёсий инқирозга учрай бошлайди. Хувишқа 30 йилдан ортиқроқ шоҳлик қилган. У ўлгандан кейин таҳтга Васудева I ўтиради. У ҳам 30 йилдан ортиқ шоҳлик қилган.

Қадимги Бактрия вилоятига қарашли территорияда олиб борилаётган археологик тадқиқотларга қараганда, бу ерда кушонлар даврига онд кўплаб шаҳар ва қишлоқларнинг харобалари сақланиб қолган. Лекин археологик қазиш ишлари уларнинг салмоқли қисмидағина кенг миқёсда олиб борилмоқда. Айниқса, Шимолий Бактриядаги Холчаён, Далварзинтепа, Зартепа, Явон, қадимий Термиз ва унинг яқинидаги Қоратепа, Фаёзтепа, Айртомларда ва Жанубий Бактрияда Беграм, Сурхкотал ва Дилбаржинда ўтказилаётган қазиш ишларининг натижалари диққатга сазовордир. Бу қазиш ишлари бактрияликларнинг кушонлар давридаги ижтимоий ҳаёти, иқтисодий ва майший турмуш маданияти, диний тасаввурлари, касблари тўғрисида маълумотлар олиш мақсадида олиб борилмоқда. Ҳозир археологлар бу соҳани ўрганишда жиҳдий ютуқларга ҳам эришдилар. Ўтказилган илмий тадқиқотларнинг натижалари тўғрисида сизларга умумий тасаввур бермоқ учун, биз Холчаён, Далварзинтепа, Зартепа, Қоратепа ва Дилбаржинда ўрганиш чоғида олинган маълумотлар билан таништириб ўтамиз. Хусусан, Холчаёидаги қазиш ишларига кўпроқ тўхталамиз. Чунки Холчаён, бир томондан, ҳозир энг яхши ўрганилган ёдгорликлардан бирин ҳисобланади, иккинчи томондан, унда олиб борилаётган тадқиқотлар кушонлар маданиятини ўрганишда янги муҳим даврни очди, унинг шаклзаниш йўлларини кўрсатиб берди.

ШАҲЗОДА САРОИИ

Холчаён Денов районидаги Калинин номли колхоз территориясида, Сурхондарёнинг ўнг қирғозида жойлашган. Бу тепа иккى қисмдан иборат бўлиб, бирининг томонлари 350×260 м, иккинчисиники 300×300 м га тенг. Қазишмалар давомида бу ерда шаҳар ҳокимиининг саройи борлиги аниқланди (3-расм). Мазкур сарой меъморчилик шуктаси назаридан ғоят диққатга сазовордир. Сарой унчалик катта бўлмай (35×26 м), 9 хонадан иборат. У шарққа, кунчиқар томонга қаратиб қурилган. Саройнинг олд томонида узун айғон ҳам бўлиб, у олти-

та устунга таяниб турган. Айсониниг тўртта эшиги бўлиб, улардан учтаси тўртбурчакли асосий қабулхона билан боғланган. Қабулхона томонлари $6,1 \times 17,6$ м га тенг. Қабулхона гарб деворининг ўртасида тахтли залга кирадиган эшик бор. Бу зал тўғри тўртбурчак шаклда бўлиб, асосий қабулхонадан кичикроқ. Бу залда гарчи уларга эҳтиёж бўлмаса да, иккита устун бўлган. Бизнингча, мазкур устуилар кираётган одамнинг тўрда, тахтда ўтирган ҳоким томони эътиборини янада ошириш мақсадида ўрнатилган бўлса керак. Бу икки залининг уч томонида узун йўлаксимон хоналар жойлашгац. Бу хоналарда соқчилар ва хизматчилар яшаган бўлиши мумкин. Хазина ҳам шу хоналардан бирида сақланган.



З-расм. Шаҳзода саройи.

Саройни қуришда асоссан хом гиштдан фойдаланганлар. Саройнинг томи текис бўлиб, лой сувоқли бўлган. Томнинг қирралари антефикс¹, пальметта² ва кунгура-

¹ Антефикс — лотинча aptexum сўзидан олинган. Меъморчилик безакларидан бири, шакли жиҳатидан пальметтага ўшайди.

² Пальметта — французча palmette сўзидан олинган бўлиб, ел-

лар билан бесатилган. Уларнинг ҳаммаси қадимда қизил бўёқ билан бўялган. Саройнинг устунлари арчадан тайёрланган. Лекин уларнинг тағкурслари оҳакли тошдан ясалган. Профессор Г. А. Пугаченкова фикрича, айвоннинг учала девори полдан то дераза тешиги баландлигигача турли суратлар билан безатилган. Деворларнинг уйдан юқори қисмида ҳайкаллар жойлашган. Суратлар бевосита лой сувоқ устига, баъзан эса ганч сувоқ устига чизилган. Рассомлар сурат чизишда қизил, қора, сариқ, ҳаворанг бўёқлардан фойдаланганлар. Чизиш услугига қараганда Холчаён деворларни бе-затган рассомлар юқори малакали мутахассислар бўлганилар. Афсуски, бу чизилган суратларнинг ҳаммаси бизгача яхши сақланшиб қолмаган. Сақланган суратлар ичидаги эркакларнинг расмлари, узум ва бошқа мева ҳамда гулларнинг тасвири бор.

Асосий қабул залининг ва тахтли залнинг деворлари ҳам турли мазмундаги суратлар билан безатилган. Лекин улар ҳам жуда ёмон сақланган. Айниқса асосий қабул залининг жиҳозланиш услугини киши эътиборини ўзига кўпроқ жалб қиласди. Залининг уч девори уч метр баландликкача оқ ганч билан сувалган ва унинг устидан расмлар чизилган. Тўртинчи, қираверишдаги қарама-қарши девор эса фақат ганч сувоқ билан сувалган. Тахмин қилинишича, бу деворга қадимда чиройли гиламлар осилган. Шунинг учун унинг деворларига расмлар чизилмаган. Деворларнинг юқори қисмида иккиметр баландликкача ҳайкаллар жойлашган. Ҳайкалларнинг ҳаммаси турли рангдаги бўёқлар билан бўялган. Қираверишдаги қарама-қарши деворда — марказий саҳнада шоҳ, малика ва сарой аҳллари тасвиранланган (4-расм). Шоҳ ва малика тахтга ўтирган ҳолатда акс эттирилганлар. Шоҳнинг ўнг қўлида туфро бор. Маълумки, у шарқ халқлари орасида ҳукмронлик аломуни билдиради. Шоҳнинг ҳам, маликанинг ҳам эгнида қимматбаҳо кийимлар. Суратга қараганда, уларнинг ўшлари тахминан 40—45 ларда бўлган. Маликанинг ўнг томонидаги ўш аёл ва йигит тик турган ҳолда тасвиранланган. Қизиги шундаки, йигиттага қараганда аёл маликага яқин турибди. Г. А. Пугаченкова бу ҳолни қўйидагича тушунтиради: «Бу аёл шоҳнинг қизи, унинг ёнида турган йигит эса шоҳнинг куёвидир. Шунинг учун аёл маликага яқинроқ қилиб тасвиранланган. Йигитнинг

тиғинчимон баргнинг тасвирига ўхшаш архитектура деталига нисбатан ишлатилади.



4-расм. Сарой деворига ишланган ҳайкаллар.

юз тузилиши шоҳнинг юз тузилишига жуда ўхшайди. Демак, уларни бир халқа мансуб бўлган деб ҳисоблаш мумкин. Шоҳнинг чап томонида жойлашган ҳайкалларнинг, айниқса эркакларнинг юз тузилиши шоҳнинг ва куёвнинг юз тузилишидан анча фарқ қиласди. Уларнинг юз тузилиши кўпроқ парфияларнинига ўхшайди.

Марказий саҳнада чапда камонли бир неча отлиқ тасвириланган. Отлар бор кучлари билан елдек югуриб кетаётган ҳолда берилган. Бу ерда отлар ва отлиқлар шундай тасвириланганки, гўё улар девор ёқалаб биз томон югуриб келаётгандек туюлади.

Қабул залининг кираверишидаги қарама-қарши десориининг шимолий қисмида юз тузилиши бир-бирига ўхшаш, соч ва мўйловларни тараф услуби бир хил бўлган ҳайкаллар саҳнаси жойлашган. Бу ҳақиқий бактриялик кушонларнинг ҳайкаллари дидир. Тахмин қилинишича, бу ерда ҳоким, унинг ўғиллари ва яқин қавм-қариндошлари тасвириланган. Саҳнанинг бошида отлиқ маъбуданинг ҳайкали жойлашган. У шитоб билан Герайлар уруғи томон интилмоқда. Бу билан ҳайкалтарош—рассом Герай уруғини маъбуда томонидан улуғлашаётганини, ғалаба билан табриклаётганини кўрсатмоқчи бўлган, чамаси. Маълумки, юнон тасвирий санъатида фақатгина иккита маъбуда аравада тасвириланади. У ҳам бўлса, уруш маъбудаси Афина ва ғалаба маъбудаси Никадир. Мазкур саҳнада ғалаба маъбудаси Ника тасвириланган. Тадқиқотларга қараганда, бу даврда шарқ халқлари орасида ғалаба маъбудасинийг тасвири кенг тарқалган. Жумладан, Парфия шоҳи Митридатнинг тангаларида қанотли Ника аравада кетаётган ҳолда тасвириланган.

Залнинг мазкур ҳайкаллар саҳнасидан юқорида, 60 см баландликда турли худоларнинг, хусусан юнонлар маъбудаси Ника, маҳаллий халқларнинг худоси Митранинг ҳайкаллари тасвириланган. Бундан ташқари, бу ерда қўлларида гулчамбар кўтарган яланғоч болаларнинг, созанда қизларнинг, сатирларнинг ва масхабозларнинг ҳайкали бўлган. Ҳайкалларнинг ҳаммаси оқ гажаклар орасида тасвириланган.

Маълумки, Юнон-Бактрия шоҳлиги давридаги ҳайкалларга жўшқин ҳаётийлик хос бўлган. Холчаён ҳайкалтарошлари, умуман олганда, Юнон-Бактрия давридаги ҳайкалтарошлиқ қондаларига риоя қилган ҳолда ўзларининг мазкур ноёб асарларини яратган бўлсалар-да, уларнинг асарларида Бактрияниг янги ҳукм-

рон табақасининг эстетик қарашлари, ички дунёси ўзининг ёрқин ифодасини топган. Бу күшонларининг талаби, эҳтиёжи, қолаверса, замон талаби эди. Холчаён ҳайкалларига сиполик, вазмиидорлик хосдир. Уларда инсоннинг ички дунёси чуқур ифодаланган. Масалан, бу ерда топилган жангчи ҳайкалида жангчининг шафқатсизлиги, қаттиқкўллиги унинг юз қиёфасидан яққол сезилиб туради. Шунингдек, Герай ҳайкалида Герай продасининг мустаҳкамлиги, улуғлиги яққол акс этган. 5-расмда чўзиқ юзли ёш йигитнинг ҳайкали тасвиirlан-



5-расм. Герай уруғларига мансуб ёш йигит ҳайкали.

гани. Унинг қошлари юқорига кўтарилиган, пешонаси кенг, қирра бурунли, катта кўзлари чеккаси томон озгина қийиқлашган, шоп мўйлов, соchlари ва зулфи ўзига хос қилиб қирқиб таралган. Йигитнинг боши лента билан боғланган. Тасвиirlangan йигит бўй-басти келишган, истараси иссиқ. Унинг сочи ва мўйловининг қирқилиш услуби асосий қабул залида тасвиirlangan шоҳ ва Герай уруғларига мансуб кишиларининг тасвирига айнан ўхшаш. Бу аломатлар йигитни Герай уру-

ғидан деб ҳисоблашга асос бўлади. Йигит бошининг лента билан боғланишига қараганда, у шаҳзодага ўхшайди. Чунки бундай ленталар шоҳлик, ҳокимлик белгисидир. Шаҳзоданинг юз тузилишида мағурурлик, улуғворлик ва қатъйлик аломати мужассам.

Умуман, Холчаёнда топилган ҳайкаллар ҳаётий, таъсирчан ва жозибадор. Бу ердаги ҳар бир ҳайкалнинг ўзи бир дунё, баҳоси йўқ ноёб асадир. Уларда ўз замонасининг мафкураси, диний тасаввурлари, маданий-маиший ҳаётининг баъзи томонлари ёрқин ифодаланган. Холчаёнда топилган ҳайкаллар ва расмлар ўтмиш даврга хос услубда ишланган. Зеро, бу ерда эллинизм, маҳаллий бактрияликларнинг ва кўчманчи юечжи қабилаларининг маданий анъаналари ҳам маълум даражада ўз аксини топган. Мана шу уч куч асосида Кушон маданияти шакллана борди. Табиийки, бу жараёнда маҳаллий бактрияликларнинг маданий анъаналари таъсири бошқаларнига қараганда кучлироқ бўлган. Вақт ўтиши билан бу ҳол янада кучлироқ кўзга ташлана бошлайди. Айниқса, II—III асрларда Бактрия тасвирий санъатида эллинизм анъаналарининг таъсири жуда пасайиб кетди.

Аксинча, Бактрияда ҳинд маданиятининг, айниқса будда дини билан боғлик бўлган санъатининг таъсири орта борди³. Бунга бир қанча сабаблар бор. Биринчидан, тахминан тўрт аср давомида Бактрия ва Ҳиндистоннинг ягона салтанат—Кушонлар подшолиги таркибига кирганлигидир. Бунинг натижасида икки мамлакат ўртасидаги мавжуд маданий алоқалар янада яқинлашди. Иккинчидан, бунга будда динининг кушонлар салтанатининг давлат дини деб эълон қилиниши сабаб бўлди. Бу воқеа кушон шоҳи Канишка ҳукмронлик қилган даврга тўғри келади. Лекин бу билан биз бунгача Бактрияда будда дини тарқалмаган демоқчи эмасмиз. Будда дини, бу ерда, сўнгги йиллардаги археологик тадқиқотларга қараганда, милоднинг бошларида тарқала бошлаган.

Ҳар қандай бошқа динлар каби, буддизм ҳам инсоннинг борлиқлиги моҳиятига ўзича изоҳ беради. Изоҳ-

³ Будда — Буддха санскритчада нурланган деган маънени билдиради. Буддизм анъаналарига кўра, Будда буддизм динининг асосчиси бўлиб, авлиё бир зот ва у одамларни азоб-уқубатлардан халос этиш учун пайдо бўлган экан. Будда иомини олган одам аслида Гаусма подшолигининг шаҳзодаси бўлиб, унинг асли исеми Сиддхартха Гаусма бўлган ва милоддан олдинги 623—544 йилларда яшаган.

лар эса, биринчи навбатда, санъатда ўз ифодасини топди. Чунки санъат инсон онгига тез ва ўткир таъсир этадиган воситалардандир. Турли мамлакатларда турли тарихий даврларда бу воситадан руҳонийлар кенг фойдаланганлар. Буддизм тарғиботчилари ҳам бундан четда қолмадилар. Улар Будда таълимотини омма орасида кенг тарғиб қила бошладилар. Бунинг учун улар махсус ибодатхоналар қуриб, уларда Будда ва бодисатваларнинг ҳайкалларини ўрнатдилар. Деворларда уларнинг ҳаётларидан лавҳалар чизилди. Бу ибодатхоналарда Будда ва Бодисатва ҳайкаллари ва расмларидан ташқари, бошқа турли қиёфадаги ва мазмундаги ҳайкал ва расмлар ҳам бўлган. Қизиғи шуидаки, уларда ҳам озми-кўпми буддизм ғоялари ўз ифодасини топган. Бунни Айртомдаги ибодатхона харобаларида топилган ҳайкаллар мисолида ҳам, Қоратепа, Фаёзтепа, Далварзинтепада топилган ҳайкаллар мисолида ҳам кўриш мумкин.

АЙРТОМ ПИРАМОНИ

Айртом Термиз шаҳридан 18 км шарқда, жўшқин Амударё бўйида жойлашган. Айртом кушонлар даврига онд ўзиға хос ёдгорликдир, яъни бу ердаги иморатлар тарқоқ ҳолда жойлашган. Ҳозир ёдгорликнинг анчагина қилемни Амударё сувлари ювиб кетган. Айртомни ўрганишга қизиқ бир тасодиф сабаб бўлди. Бу 1932 йилнинг куз фаслида содир бўлган эди. Чегарачилар катерда сузиб кетаётуб, дарё тагида ётган қандайдир катта бир тош бўлагига кўзлари тушиб қолди. Тошда одамлар тасвирланган эди. Улар бу тошни дарё тагидан кўтариб олиб, Тошкентга, олимларга хабар бердилар. Тезда Термизга бир группа олимлар етиб келди. Улар орасида машҳур олим М. Е. Массон ҳам бор эди. У мазкур тошда тасвирланган расмларни синчиклаб ўрганиб, уни кушонлар даврига онд эканлигини аниқлади. Тош дарё бўйида жойлашган баланд тепадан қулаб тушган эди. Ҳозир бу топилма Эрмитаж залларидан бирини безатиб турибди.

1933 йилнинг кузида Айртомни ўрганишга махсус экспедиция уюштирилди. Экспедиция ўз ишларини мазкур тош қулаб тушган тепани ўрганишдан бошлади. Маълум бўлишича, бу тепа ибодатхона харобаси бўлиб, ундан ҳар хил қиёфадаги ва мазмундаги ҳайкаллар топилди. Улар асосан, оҳактошдан ясалган. Шулардан бирига қисқача тўхталиб ўтамиз. Бу қачонлардир ибо-

датхона карнізини безатиб турған уч созанданинг ҳайкалларидир (6-расм). Карнізниң бир томонида юзини сал ўнгга буриб турған ва чилтор чертаётған кулча юзли, күзлари катта, қошлари туташған, қыра бурунли, лаблары қалып шаш аёлниң ҳайкали тасвириланған. Аёлниң эгисіда қымматбаҳо кийим, қулоқларыда сирға, құлларыда билакузук, бүйніда маржонлар бор. Торға үхшаш чолғу асбобини чалаётған. Иккінчи аёл биroz



6-расм. Айртомдан топилған созандалар ҳайкали.

чапға қараб турған ҳолатда тасвириланған. Уннинг эгисідеги кийим бириици аёлниң эгисідеги кийимдан ўзиннинг одмилити билан ажралиб туради. Құлларыда билакузук бор, қулоқларыда сирға бор-йүқлиги билинмайды. Чунки аёлниң боши рүмөл билан үралған. Аёлниң рүмөл ўраш услуби дикқаттаға сазовор. Рүмөлниң бир учи орқага ташланған, иккінчи учи эса аёл елкасы ва құлиннинг юқори қисміні ёпиб турибди. Бу иккі аёл оралығыда акант япроғи тасвириланған. Япроқ учи олдинга биroz әтилған ҳолатда акс эттирилған.

Үчинчи ҳайкалда ғабла чалаётған ўш созанда тасвириланған. Созанданинг йигит ёки қызы эканлигини ҳайкалға қараб аниқлаш қийин. Уннинг юзи думалоқ, күзлары катта, қовоқлари солинган, қошлары туташиб кет-

ган, сочларн калта ва жиңгалик. Созанды лабида күлгичлар жойлашган. Бу созанданинг қулоқларида ҳам сирға, қўлларида билакузук, бўйнида маржонлари бор. Мазкур созанды билан тор чалаётган созанды орасида худди олдингидаидек акант япроғининг тасвири бор. Учинчи созандадан кейин ҳам яна бир акант япроғи акс эттирилган. Бизнингча, бу раҳда яна иккى созанданинг ҳайкали бўлган. Лекин улар бизгача етиб келмаган. Зеро будда дини билан боғлиқ қадимги ҳинд афсоналарида бешта «муқаддас товуш таратувчи» мусиқа асбоблари: чилтор, тор, ноғора, уд ва кимвалах* қайд қилинади. Ўз-ўзидан равшанки, бу беш асбобни беш киши чалган. Ривоятларда айтилишича, бу «созандалар группаси» Буддага лаззат, завқ бағишлиши керак бўлган. Ҳайкалларининг тагида ҳам қатор акант япроқлари тасвирланган. Аммо булар созандалар орасида тасвирланган япроқлардан кичикроқ. Созандаларнинг юз қиёфаси Ганхара, юон-рим ҳайкаллари қиёфасидан тубдан фарқ қиласди. Бу ҳол, айниқса диққатга сазовордир. Демак, бу санъат асари, бактриялик ҳайкалтарошнинг маҳсулидир. Унда ҳақиқий бактрияликнинг юз қиёфаси акс эттирилган. Учала созанды чеҳрасидан ҳам енгил табассум сезилиб турибди. Лекин, умуман олганда, уларнинг чеҳралари шавқсиз, таиг ва турғун. Уларда Холчаёндан топилган ҳайкалларда бўлганидек туйғунлик ва жўшқинлик аломатлари сезилмайди.

Айртом ибодатхонасида жуда кўп бошқа ҳайкаллар ҳам топилган. Уларнинг кўпчилигига осмон парилари—девапутралар тасвирланган. Парилар гулчамбар ва ичида хушбўй модда солинган идишлар кўтариб кетаётган ҳолатда акс эттирилган. Мазкур образлар ҳам будда дини билан боғлиқдир. Агар созандалар Буддага лаззат ва завқ бағишилган бўлса, у ҳолатда парилар унинг йўлига гуллар тўшаганлар ва атир пуркагашлар. Тахмин қилинишича, Айртом ибодатхонасидан топилган ҳайкаллар асосан Будданинг ўлим маросими билан боғлиқ бўлган. Айртом ҳайкаллари, сўзсиз, кушонлар давридаги Бактрия мадаиятининг бағоят юқори тараққиётидан гувоҳлик беради.

ТЕРМИЗ ИБОДАТХОНАЛАРИ

Кушонлар давридаги Шимолий Бактриянинг энг катта ибодатхонаси Қадимий Термиз шаҳри яқинидан

* Ҳинд ногораси.

бўлган. Бу ибодатхонага ўша замондаги кўпчилик шаҳар ва қишлоқлардан бутпарастлар келиб сажда қилгандар. Гарчи ҳар бир шаҳарда бутпарастларнинг алоҳида ибодатхоналари бўлса-да, марказий ибодатхонада тоат-ибодат маҳаллий ибодатхоналардагидан бошқача файритабии руҳда ўтган. Бунинг устига марказий ибодатхона коҳинлари будда дини ақидаларини жуда яхши билганлар. Шу билан бирга Термиздаги ибодатхона қошида будда динининг воизлари таҳсил олишган. Улар бу ерда Будда таълимотини мукаммал ўрганганлар. Қизиқарли томони шундаки, улар будда динининг ватани бўлмиш Ҳиндистон коҳинлари билан bemalol рақобат қилганлар. Ёзма манбалардан маълумки, Термиздан Ҷармамитра исемли машҳур коҳин етишиб чиқсан. Иккинчи бир тарғиботчи Ғошака ҳисобланади. У Пешаворда буюк Кушон шоҳи Канишка уюштирган бутпарастларнинг йигилишида иштирок этган. Ғошака билан Бактрияда буддизмнинг бир мазҳаби—вайбахишкларнинг тарқалиши боғланган. У бундан ташқари буддизмга бағишлиланган катта бир асарнинг муаллифи ҳам бўлган. Бу асар «Абхиждхормапитака» деб аталган.

Термиз ибодатхоналарининг бирни ҳозир Қоратепа номи билан боғлиқ. Мана йигирма йилга яқиндирики, Қоратепада археолог Б. Я. Ставиский раҳбарлигида археологик тадқиқотлар кенг миқёсда тўхтовсиз равишда олиб борилемоқда. Ҳозиргача Қоратепада ўндан ортиқ иншоотлар групласи очиб ўрганилди. Ҳар бир бундай иншоот тўғрибурчакли катта ҳовли, ибодатхона ва уни тўрт томондан ўраб турган йўлакдан иборат. Ибодатхона хоналарининг бирда Будданинг ҳайкали, иккинчисида ступа топилди. Афусски, ступанинг ҳозир фақат таг қисми сақланиб қолган.

Қоратепада топилган ступалар буддизмга хос иншоот бўлиб, у ҳамма будда дини тарқалган мамлакатларда учрайди. Бундай ступалар асосан бир хил услубда қурилган. Ступаларнинг асоси тўртбурчак бўлиб, бир неча метр баландликка кўтарилган бўлади. Баландлик устига эса цилиндрсиз иншоот солинган. Унинг баландлиги ҳам бир неча метрга ёки ўн метрга teng бўлган. Унинг усти гумбазсизмон қилиб ишланган ва унга ёғочдан туғ ўрнатганлар. Бу туғга тошдан ясалган бир нечта соябон ўрнатганлар. Бундай соябон буддистларда чатра деб аталган. Буддистларнинг ҳисоблашича, чатра муқаддас дарахтнинг рамзи бўлиб, мазкур дарахт соясида Будда ўз диний пазариясининг асосларини ишлаб чиқсан экан. Қоратепа ибодатхона хоналари-

шинг деворларида эса диний мазмундаги расмлар акс этган. Хусусан, Буддани ўзининг тасвири ҳам бўлган. Қизиги шундаки, Қоратепадаги мазкур ишоотлар худди Ҳиндистон, Покистон ва Афғонистондаги бутпарастларнинг ибодатхоналари каби ер остига қурилган. Аммо Қоратепада ер устига қурилган бинолар ҳам бўлган. Ер устига қурилган ишоотлар ер остига қурилган ишоотлар билан узвий боғланганлар. Қуйида Қоратепадаги мана шундай ер устига ва ер остига қурилган ишоотларнинг бир-бирлари билан узвий боғланганлигини кўриб чиқамиз. Тепалик устига катта ҳовли қурилган. Унинг тўрт томони кенг айвон билан ўралган. Ҳовлининг ғарбий қисмида ер остида жойлашган ибодатхона билан боғловчи иккита эшик жойлашган. Пастки хоналарга зинапоялар орқали тушилган. Деворнинг ўртасида катта токча бўлиб, унда Будданинг катта ҳайкали турибди. Ҳовлининг шимолий ва ғарбий қисмидаги айвоннинг деворлари қизиқ рангда оддийгина расмлар билан бўялган, жанубий айвоннинг деворлари тури расмлар билан безатилган. Расмлар айвоннинг ўртасидаги эшикнинг икки томонига чизилган. Бу эшик ҳовлини кичик бир ёритгич билан боғлаган. Расмлар ҳаворанг бўёқ устига чизилган. Хусусан, бу ерда донаторлар⁴, ибодатхона қурилишига маблағ ажратган ва унга ҳомийлик қилган аслзода эркак ва аёлларнинг расми чизилган. Кираверишдаги эшикнинг юқорисида Будда ва руҳонийлар расми жойлашган. Бу ерда, айниқса Будданинг расми эътиборни тортади (7-расм). Рассом унинг юзини ёш аёлларнинг юзига ўхшатиб тасвирилаган. Унинг юзида қандайдир сирли мулоимлик, лабларида эса илиқ табассум ифодаланган. Умуман, бу расмлар катта маҳорат билан чизилган бўлсада, уларда жўшқин ҳаётийлик сезилмайди. Албатта, бунда ўша замон диний мафкураси ўз ифодасини топган бўлса керак.

1968 йили Қоратепа ибодатхонасидан 2—3 км шимоли-шарқда буддистларнинг яна бир ибодатхонаси топилди. Унинг топилиши Бактрияда буддизмни ўрганиш борасида муҳим бир босқич бўлди. Бу ибодатхона фанда Фаёзтепа номи билан маълумдир. Ҳозир Фаёзтепа археологик жиҳатдан тўла ўрганилиб чиқилди. Текширишлар Фаёзтепанинг вихара туридаги ибодатхона эканлигини кўрсатди. У уч комплексдан иборат бўлиб,

⁴ Донатор — латинча *donator* сўзидан олинган бўёлиб, ҳадя қи-
лувчи деган маънони билдиради.

хар бирида ҳовли бўлган. Ибодатхонанинг марказий қисмидаги комплексда диний маросимлар ўтказилган, шимоли-гарбий комплекс монастир, учинчи комплекс (жануби-шарқий) эса хўжалик ишларини олиб боришга мўлжалланган. Марказий комплекс ҳовлисининг



7-расм. Қоратош ибодатхонасидан топилган Будда расми.

шимоли-гарбий қисмida жойлашган эшик монастир комплекси билан боғланган. Мазкур эшик яқинида оҳактошдан ясалган ҳовузча бўлган. Ҳовузчадан сув шер бошига ўхшатиб ясалган труба орқали чиқиб турган. Марказий комплекс ҳовлисининг шимолий қисмida ступа жойлашган. Унинг шакли Қоратепадаги ступаларга жуда ўхшайди. Фаёзтепа ступасининг соябони сақланмаган. Марказий комплексининг жанубий қисми-

да, ступанинг қарама-қаршисида ибодатхона жойлашган. Ибодатхонага кираверишда марказий ҳовлининг жанубий айвонида лой ва ганчдан ясалган Будда ва бодисатваларнинг⁵ ҳайкаллари турган. Уларнинг кўпчилиги қизил ва устидаи тилла суви билан безатилган. Айвонининг деворида эса турли мазмундаги расмлар жойлашган. Ибодатхона деворлари ҳам расмлар билан безатилган. Хусусан, унинг жанубий деворида қизил кўйлак кийган Будданинг расми чизилган.

Унинг икки томонида яна икки кишининг расми бор. Улардан бирин буддага сажда қўймоқда. Булардан ташқари, бу хонада бошқа кишиларнинг катта маҳорат билан чизилган расмлари ҳам топилган. Расмда тасвириланаётган одамларга қандайдир ҳаётнийлик бахш эта олганлар. Мазкур хонадан топилган оқ мармартошдан ва алебастрдан ясалган ҳайкаллар ҳам диққатни жалб этади. Уларнинг кўпчилиги бўёқ ва тилла суви билан қопланган. Ҳайкаллар орасида алебастрдан тайёрланган Будданинг ҳайкали алоҳида ўрин тутади. Ҳайкал ўзининг ниҳоятда бежиримлиги ва юқори эстетик дид билан тайёрланганлиги учун одамларда зўр қизиқиш уйғотади. Ҳайкалнинг юзи оқ, кўз ва соchlари қора ранг билан бўялган.

1972 йили бу ерда оқ мармартошдан ясалган ҳайкаллар группаси топилди. Унда Будда ва икки руҳоний акс эттирилган (9-расм). Будда муқаддас дараҳт тагида ўтирган, руҳонийлар эса унинг икки томонида турган ҳолда тасвириланган. Бу ҳайкаллар группаси шунчалик нафис ва гўзал ишланганки, уни сўз билан таърифлаб бўлмайди. Бундай ишланган Будда ҳайкали ҳатто буддизм ватани ҳисобланган Ҳиндистонда ҳам маълум эмас. Фаёзтепа топилмалари тўғрисида жуда кўп ёзиш мумкин. Афсуски, китобимизнинг ҳажми бунга имкон бермайди. Бу ерда фақат шу нарсани қайд қилиб ўтиш керакки, яъни Фаёзтепага қадимда одамлар фақат сажда қилгани келмай, балки юқорида қайд қилган монастирда таҳсил ҳам кўрганлар ва яшаганлар. Эҳтимол, юқорида қайд қилинган термизлик руҳонийлар Дхармамитра ва Гхошака мана шу Фаёзтепа ибодатхонасида саводларини чиқарганлар. Умуман, Қоратепа ва Фаёзтепа ибодатхоналари қанчалик ҳаробага айланмасин, улар ўзларнинг маҳобатлиги, расм ва ҳайкаллари эса минг йиллар ўтишига қарамасдан ўзининг мазмунин ва ишланиш услуби билан ҳозир ҳам

⁴ Бодисатвалар — Будданинг сафдошлари

одамларда кучли таассурот қолдиради. Энди бир неча дақиқа кўз олдингизга келтиринигчи, ўз даврида мазкур ибодатхоналар ва уларнинг деворларида чизилган расмлар, ҳайкаллар бу ерга келгаш одамларга қанчалик кучли ва шу билан бирга сирли таъсир кўрсатган. Улар ўзларини бошқа бир дунёга келиб қолгандек сезишган бўлсалар керак.

Қоратепа ва Фаёзтепадаги тадқиқотлар бизга Будда дини билан боғлиқ бўлган меъморчилик шишиотлари тўғрисида қимматли маълумотлар берибгина қолмай, у Бузда динининг Ўрта Осиёда, хусусан Бактрияда тарқалиш йўллари, буддизм ғоялари билан сугорилгани санъат, бактрия тили, ёзувлари ҳақида фикр юритишга имконият яратди.

Қоратепа ва Фаёзтепа ибодатхоналари ўзларининг қурилишлари билан Ҳиндистондаги будда ибодатхоналаридан ажралиб туради. Будданинг узи хам бу ерда ўзига хос тасвиirlанган. Маълумки, Будданинг учта ўзига хос ажратиш белгилари бўлган: пешонасида доғ, бошининг ўртасида дўнглик ва қулоғининг солиничоғи узун бўлган. Қоратепа ва Фаёзтепада тасвиirlанган Будданинг эса, бундай ажратиш белгиларидан ташқари, атрофи нимб⁶ ёки аланга билан ўралган. Бу борада Қоратепа ва Фаёзтепа ибодатхоналари ва расмлари Шарқий Туркистон ва Узоқ Шарқдаги буддистларнинг ибодатхоналари ва расмларига кўпроқ яқин. Аммо улар Қоратепа ва Фаёзтепа ибодатхоналаридан анча кейинги даврларга онддир. Демак, Шарқий Туркистон ва Узоқ Шарққа буддизм Ўрта Осиё орқали тарқалган, деб ҳисоблаш мумкин.

Сурхкотал — оташпаратлар ибодатхонаси. Кушонлар даврида Будда динидан ташқари оташпаратлик ва бошқа маҳаллий динилар тарқалган эди. Оташпаратлар ҳам буддизм ҳомийлари каби йирик ибодатхоналар қурганлар. Масалан, шундай ибодатхоналардан бири Жанубий Бактрияда — ҳозирги Шимолий Афғонистон териториясида очилган. Сурхкотал ибодатхонаси Туркистон тоғларида жойлашган бўлиб, унга зиналар орқали чиқилган. Ибодатхонанинг асосий зали тўғри бурчак шаклида бўлган. Залининг томонлари 35×27 м га тенг. Асосий зал уч томондан йўлаксимон хоналар билан ўралган бўлиб, залга уч йўлак орқали ки-

⁶ Нимб — лотинча *pīmbus* сўзидан олинган ва булут маъносини билдиради. Буддизм санъатида нимб Будданинг боши атрофидаги ёғду тасвирига нисбатан қўлланилиб, у муқаддаслик ва диндорлик аломатидир.

рилган. Залпиниг марказида тош бўлаклардан тўртбурчак шаклида кўтарилган кўтарма — супа қурилган.

Платформанинг бурчакларида устунлар бўлган. Қадимда бу платформанинг устида муқаддас ўчмас олов ёниб турган.

ДАЛВАРЗИНТЕПА — ИЛК ҚУШОНЛАР ПОЙТАХТИ

Шўрчи райони яқинидаги Далварзинтепада олиб борилган археологик тадқиқотлар натижалари ўзининг илмий аҳамияти жиҳатидан Холчаён, Айртом, Коратепада қолишмайди. Мана бир неча йилдирки, бу ерда кеңг миқёсдаги археологик қазиш ишлари олиб борилмоқда. Ҳозир Далварзинтепада кушонлар даврига оид иморатлариниг харобалари очилган. Айниқса бу кўдна шаҳарнинг ўртасида жойлашган тепаликда олиб борилгани археологик қазиш ишлари диққатга сазовордир. Текширишларга қараганда, бу ерда қандайдир катта маъмурӣ биноиниг харобаси бўлган экан. Мазкур бинонинг хоналари орасида бўйи 11,6 м, эни 9,6 мли хона ажралиб туради. Бу хонанинг деворлари бошқа деворларга қараганда қалироқ, сувоқлари иисбатан сифатли. Хонанинг томи текис бўлиб, бу қадимда тўртта устуига таяниб турган. Бизгача устунлар сақланиб қолмаган бўлса-да, уларниг оҳактошдан ясалған тагкурсиси етиб келган. Устунлар арча дарахтидан ясалган бўлса керак. Тахмин қилинишича, бу хона қадимда шаҳар ҳокими ёки қандайдир амалдорнинг меҳмонхонаси ёки қабулхонаси бўлган. Хонани уч томонидан узун ўлаксимон хоналар ўраб турган. Қазиш давомида бу ерда иккинчи даражали бошқа хоналар ҳам топилган. Бундан ташқари, Далварзинтепада кулолларнинг маҳалласи ҳам ўрганилган. Кулоллар яшайдиган хоналар ўзининг ҳашаматлилиги билан ажралиб туради. Хоналарнинг деворлари турли бўёқлар билан нақшланган. Бу ерда ҳайкаллар ҳам топилган. Демак, кулоллар ўзларига анча тўқ бўлганлар. Сопол идишларни пиширадиган хумдонлар уйларниг яқингинасида жойлашган. Ҳозиргача бу ерда ўндан ортиқ хумдон қазиб ўрганилган. Очилган хумдонлар иккни қаватли бўлиб, унинг пасткиси ўтхона вазифасини, юқориси эса идишларни пиширадиган хона ролини ўтаган. Хумдонларнинг ўзи тўғрибурчак шаклида бўлган. Ўтхона ва сопол пиширадиган хона маҳсус тўсик билан ажратилган. Бу тўсиқда ўнлаб тешикчалар бўлиб, бу тешикчалар орқали иессиқ ҳаво пишириш хонасига ўтган ва сопол идишлар-

ни пиширган. Топилган сопол идишлар сифатлилиги ва чиройлилиги билан фарқ қилади. Далварзинтепа кулоллари сопол идишларин тайёрлашда катта муваффақиятларни қўлга киритганлар. Бунга бу ерда топилган сопол идишлар гувоҳ бўла олади. Улар бир хилдаги идишларни навбатма-навбат тайёрлашни йўлга қўйганлар.

1972 йилда Далварзинтепада олтин буюмлардан иборат хазина топилди. Кичик кўзадаги хазина уйлардан бирининг поли тагига кўмиб қўйилган экан. Кўзада олтиндан тайёрланган 115 та буюм бўлган. Сирғалар, билакузуклар, камарбандлар, узуклар, олтин шодаси ва олтин ёмбилар шулар жумласидандир. Буларнинг ҳар бири, аввало, санъат асари сифатида бебаҳо аҳамиятга эгадир (8-расм). Олтин безаклар зўр маҳорат билан тайёрланган бўлиб, улар гўзаллиги, нағислиги, жимжимадорлиги ва нозик ишланганлиги билан кишини лол қолдиради. Камарбандларда афсонавий ҳайвонлар тасвиrlанган. Бу топилдиқ күшонлар даврида Бактрияда заргарлик санъатининг юқори тараққий қилинганини далолат беради. Хазина милоднинг II—III асрларидаги кўмилган деб тахмин қилинмоқда.

Казиш давомида Далварзинтепада юқорида қайд қилинган топилмалардан ташқари яна жуда кўп турли туман нарсалар—сопол идишлар, ҳайкалчалар, тақинчиқоқлар, күшон шоҳларининг танглари, шатранж доналарий ва бошқа шу каби нодир нарсалар топилган. Бу топилмаларниң ҳаммаси Далварзинтепада яшаган аҳолининг диний эътиқодлари ва маданий ҳаётининг турли томонлари тўғрисида тасаввур беради. Бу ерда олиб борилган археологик тадқиқотлар яна шуни кўрсатдиди, бу шаҳарнинг пойдеворига Юнон—Бактрия шоҳлиги даврида асос солинган экан.

Далварзинтепа атрёфида бир қанча кичик тепалар сақланиб қолган. Археологлар бу тепаларниң бир нечтасида қазиш ишларини олиб бормоқдалар. Тепаларниң биридан күшонлар даврига онд ибодатхона харобаси топилди. Ибодатхона бир неча хоналардан иборат бўлиб, хона ичидан будда дини худоларининг турли ҳайкаллари топилди. Ҳайкалларниң ҳаммасини маҳалий бактриялик ҳайкалтарошлар тайёрлаганлар. Шунинг учун уларда Бактрия тасвирий санъатининг анъаналари ўзининг ёрқин ифодасини топган. Шундай бўлса-да, ҳайкалларда гандхар ва юнон-рим санъатлари анъаналарининг таъсири бирмунича сезиларлидир. Шунингдек, яқинда бу ерда яна бир ноёб ёдгорлик борли-

ги аниқланди. Даъварзинтепадан бир неча километр узоқликдаги кичик тепани текисеташаётган тракторчилар хом ғиштдан қурилған бинонинг деворларини кўриб қолдилар ва бу тўгрида дарҳол археологларга ха-



8 рasm. Даъварзинтепадан топилған олтини буюмлардан бири.

бар бердилар. Тезда бу ерда узун йўлакнинг тархи аниқланди. Йўлакнинг ҳар икки томонида тўрттадан хона жойлашган экан. Хоналарнинг шипи гумбазимон қилиб қурилған. Бу хоналардан одам сужклари, сопол идишлар, турли тақинчоқлар ва тангалар топилди. Ҳар бир хонада бир неча одам кўмилған экан. Уларнинг сужклари ҳар томонга сочилиб кетган. Албатта, бу тасодиф эмас.

Маълумки; Урта Осиё халқлари, жумладан бактрия-ликлар орасида дин эркинлиги мавжуд эди. Шунинг учун аҳоли ҳар хил динга төпниганд. Бактрия аҳолиси орасида айниқса будда ва зардустийлар динига сажда қиливчилар кўп бўлган. Бу ерда кўмиш маросими ҳам турлича бўлган. Чунки ҳар бир дин ўзига хос кўмиш қондаларини ишлаб чиқсан. Текширишлар шуни кўрсатадики, Далварзинтепа яқинидаги топилган бино сағана қолдиги бўлиб, унинг энг пастки қатламида одамлар ётган ҳолда хумга кўмилган экан. Урта қатламда аввал даҳмада тозаланган одам суюклари қайд қилинган. Демак, ўрта қатламда кўмилган одамлар зардустийлар динидаги кишилар экан. Шунинг учун уларни зардустийларнинг одатига биноан кўмганлар. Юқори қатламда одамлар бир-бирлари устига кўмилганлар. Мазкур сағана милоддан олдинги II—I асрларда қурилган бўлиб, ундан кушонлар даврида ҳам фойдаланганлар. Бу ердаги қазиш ишларига раҳбарлик қилган археолог Э. В. Ртвеладзенинг фикрича, мазкур сағана бир ургуга қарашли бўлган.

Шимолий Бактриядаги топилган бу сағана фан учун жуда аҳамиятлидир. Чунки у кушонлар давридаги маҳаллий бактрияликларнинг дағн қилиш маросими, қабрларининг тузилиши каби муаммоларнинг ечилишида муҳим роль ўйнайди. Бактриядаги яшаган кўчманчи юечжи қабилаларининг дағн маросимлари эса бошқачароқ бўлган.

Ҳозир қадимий Бактриядаги очилган ўнга яқин кўчманчиларнинг қабристони маълум. Тожикистондаги Тулхар, Кўккум, Ориқтов ва Туркманистондаги Бабашов қабристонлари шулар жумласидандир. Айниқса Тулхар қабристони яхши ўрганилган. Бу қабристондаги 350 га яқин гўрдан 219 таси ўрганилган. Археологик қазиш ишлари шуни кўрсатдики, Тулхарда асосан иккни хил гўр мавжуд бўлган. Уларнинг биринчи хили худди ҳозирги мусулмонларнинг гўрлари — лахадга ўхшайди, иккинчиси ёрмадир. Ўликлар ясаниб ётган ҳолатда кўмилганлар, бошлари шимол томонда бўлган. Уларнинг олдидан сопол идишлар, қуроллар, тақинчоқлар ва суюклар топилган. Қадимги одамларнинг тасаввурicha, бу нарсаларнинг ҳаммаси нариги дунёда уларга керак бўлган. Гўрларининг оғзи ва тепаси тошлар билан бекитилган.

ВИЛОЯТ ШАҲАРЛАРИДАН БИРИДА

Сўнгги йилларда Сурхондарёда жойлашган кушионлар даврига оид яна бир ёдгорлик — Ангор райони яқинидаги Зартепада ҳам қазиш ишлари олиб борилмоқда. Бу кўҳна шаҳар тўғри тўртбурчак шаклида бўлиб, унинг томонлари 400 метр, яъни 16 гектар майдонни эгаллаган. Кўриниб турибдики, ҳокимият шаҳар қурилиши бўйича махсус йўл тутган. Бу даврда шаҳарларнинг ҳаммаси тўғри тўртбурчак шаклида бўлган. Буни юқорида тилга олинган Холчаён, Далварзинтепа мисолида ҳам кўрган эдик. Зартепадаги дастлабки текширишлар натижаси археологлар кутгандан ҳам зиёдроқ бўлиб чиқди. Қазиш ишлари шаҳар марказидаги маъмурий бинонинг харобаларида 1972 йилдан бери давом этаяпти. Бу ерда ҳозир ўндан ортиқ хоналар очилган. Очилган хоналардан бирин ўзининг катталиги билан ажралиб туради. Унинг бўйи 17,8 метр, эни эса 9,2 метр. Деворлари пахсадан бўлган хоналар қалин лой сувоқ қилинган. Хонанинг шипини 12 та устун кўтариб турибди. Улар икки қатордан қўйилган бўлиб, ҳар бир қаторда 6 тадан устун бўлган. Афсуски, устунларнинг ўзи бошқа ёдгорликлардаги каби ёғочдан бўлгани учун бизгача етиб келмаган. Аммо устунларнинг тагкурсилари ҳозир ҳам дастлабки ўрнатилган жойида турибди. Бу тагкурсиларнинг ҳаммаси оқ оҳактошдан тайёрланган.

Мана бир неча йилдирки Зартепада яна бир муҳим обьектда археологик қидирув ишлари олиб борилмоқда. Археологлар шаҳар аҳолисининг, асосан, ишлаб чиқарувчи қисмининг ҳаёти ва турмушини ўрганишини ўз олдиларига мақсад қилиб қўйганлар. Чунки бу энг кам ўрганилган муаммолардан бирин ҳисобланади. Бу ерда олиб борилган археологик қидирув ишларининг натижалари диққатни тортади. Чунки шаҳар аҳолиси яшайдиган маҳалланинг катта бир қисми очилиб ўрганилди. Маълум бўлишича, очилган маҳалла уйлари каттагина узун кўчанинг икки томонида жойлашган бўлиб, улар уч-тўрт ёки ундан ортиқ хонадан иборат бўлган экан. Уйларнинг эшиклари кўчага қараган, лекин баъзи уйлар ичкарироқда жойлашгани учун уларга тор йўлакчалар орқали борилган. Хоналарнинг майдони 4 кв м — 15 кв м гача. Шундай бўлса-да, майдони кичик хоналар ҳам кўп. Уйларнинг деворлари ганч ёки лой билан сувалган бўлиб, хом ғиштдан қурилган. Уйларда супа, ўчоқлар топилган. Археологик топилмалар эса бу ерда

шаҳар аҳолиси ҳаёти ва турмушини етарли даражада ёритишга ва умуман, шаҳар қурилиши тўғрисида тасаввур олишга имкон берди. Умуман олганда, Зартепада очилган маҳалла ўзининг тузилиши билан Тошкент, Самарқанд, Бухоро ва бошқа шаҳарларнинг эски пайтлардаги уйларининг қурилишини эслатади. Зартепада бутпарамастларнинг ибодатхонаси ҳам очилган. Қазиши давомида бу ерда олтин суви юритилган Будда ҳайкаларининг боши ва бошқа қисмлари топилган.

Маълум бўлишича, Зартепа аҳолиси асосан Будда динига сифинишган. Чунки 1970 йилда Зартепада мазкур ибодатхонадан ташқари буддистларнинг ступаси ҳам борлиги аниқланди. Ступа Зартепадан 200 метрча шарқда жойлашган ва икки метр баландликкача сақланиб қолган. Униг асоси тўртбурчак шаклида бўлиб, тўрт бурчак фиштлардан қурилган экан. Фиштларнинг бир томонида турли тамғалари бўлган. Ступанинг цилиндр шаклидаги қисми бор-йўғи 60 см сақланиб қолган. Қизиғи шундаки, ступанинг ўртасида гумбазсимон токча бўлган экан. Токчадан битта олтин пластинка, кўзача ва 500 дан ортиқ Кушон шоҳи Васудева I ва униг тангаларнига тақлид қилиб чиқарилган бронза тангалар топилди. Тангалар токчанинг бутун майдонида, турли баландликда битта, иккита ёки уттадан кесаклар билан бирга ётган эдилар. Ступа қурилаётганда шаҳарининг будда динига сажда қиласидиган аҳолиси биттадан ёки ундан ортиқ танга ташлаб ўтишган ва сўнгра гумбаз ёпилиб, у ступанинг тагида қолиб кетган. Маълумки, кўпинча ступаларнинг тагида шунга ўхшаш маҳсус бойлик сақлайдиган жойлар бўлган. Улар одамлардан йиғилган, лекин тўплаб бўлингандан кейин унга ҳеч кимининг тегиши мумкин бўлмаган. У энди мазкур ступанинг бойлиги ҳисобланган. Аммо бу бойликлар бизгача тўлиқ етиб келмаган. Чунки уларни ўша вақтлардаёқ ёки кейинроқ ўғирлаб кетишган. Хуллас, бу галархеологларнинг омади келгашилиги маълум бўлди. Бу тангалар, биринчидан, мазкур ступанинг қачон қурилганини аниқлашга ёрдам берса, иккинчидан, кушонлар ҳукмронлик қилган даврда Бактрия иқтисоди ва пул муомаласи қандай эканлигини аниқлашга имкон беради.

Шаҳар мудофаа иншоотларини ўрганинда ҳам бу ерда археологлар маълум муваффақиятларга эришдилар. Ҳозир Зартепада 100 метрли мудофаа деворининг катта қисми очиб ўрганилди. Текширишлар шуни кўрсатдики, турли тарихий даврларда шаҳарнинг деворлари ҳар хил қалинликда бўлган. Шаҳар барпо қилинган

даврдаги (милоддан олдинги I аср) деворнинг қалинлиги 9 метрга яқин бўлса, сўнгги даврда (милодининг IV—V асрлари) деворнинг қалинлиги ундан икки марта кам бўлган. Зартепанинг мудофаа деворлари ярим айлана шаклидаги миноралар билан мустаҳкамланган. Минораларнинг оралиғи 34 метр. Уларда шинаклар — нишон туйнуклари бўлган. Шинаклар орқали ёв ўққа тутилган. Деворларнинг ўзида ҳам шинаклар бўлган. Лекин уларнинг ҳаммаси ҳам ҳақиқий бўлавермаган. Девордаги шинакларнинг кўпин душманни алдаш ва васвасага солиш интида қилинган. Шаҳарнинг мудофаа қудратини ошириш мақсадида шаҳар тўрт томондан ҳандақ билан ўралган. Ҳандақ эса, ўз навбатида, сув билан тўлдирилган. Зартепадаги ҳандақининг ўрни ҳозир ҳам яхши сақланиб қолган. Қадимда бу шаҳарнинг 4 та дарвозаси бўлган. Ҳокимнинг арки шаҳарнинг шимоли-шарқий бурчагида жойлашган бўлиб, у алоҳида ҳандақ билан шаҳардан ажратилган.

Бу манзарани бошқа шаҳарларда, хусусан Далварзинтепада ҳам кўриш мумкин. Арк ва шаҳар осма кўпrik орқали бир-бири билан боғланган. Зартепада қазиши давомида жуда кўп турли-туман сопол идишлар, ҳайкаллар, тангалар, тақинчоқлар, меҳнат қуроллари топилди. Бу топилмаларнинг ҳаммаси шаҳар аҳолисининг моддий маданияти ва эътиқодлари ҳақида тасаввур олишга имкон беради. Топилмаларга қараганда Зартепа аҳолиси юксак маданиятли бўлганилар.

КУШОН ҚИШЛОҚЛАРИНИ ИЗЛАБ

Сўнгги йилларда Шимолий Бактриянинг кушонлар давридаги қишлоқ аҳолиси маданиятини, уларнинг диний тасаввурлари, эътиқодлари, машший ҳаётлари ва машғулотларини ўрганишга ҳам катта эътибор берилмоқда. Қишлоқ харобаларида олиб борилаётган дастлабки тадқиқотлар, қишлоқ аҳолисининг турмуши шаҳарликлар турмушига аинча яқин бўлганлигини кўрсатмоқда. Бу эса шаҳар билан қишлоқ ўртасидаги алоқалар қалин бўлганлигидан далолат беради.

Шеробод шаҳри яқинидаги Оққўрғон ёдгорлигига олиб борилган қазиши ишлари бу фикрни тасдиқлади. Оққўрғоннинг умумий майдони 0,8 гектарга яқин бўлиб, баландлиги 2—3-метр атрофида. Ҳозир ёдгорликнинг юқори қатлами қарийб бутун майдонда очиб ўртанилди. Текширишлардан бу ерда қадимги уйларнинг қолдиқлари борлиги аниқланди. Уйларнинг деворлари

асосан пахса ва хом ғиштдан қурилган бўлиб, ҳозир бу деворлар 25—30 см баландликда сақланиб қолган, холос. Уй деворларининг айримлари сомон сувоқ билан, бошқалари сувоқ устидан ганч билан сувалган. Қазилган хоналарнинг фақат биттаси алоҳида ажралиб турди. Мазкур хонанинг деворлари бошқа хоналарнинг деворларига қараганда қалин ва ганч сувоқ устидан турли ранғдаги бўёқлар билан нақшланган. Оққўрғонда очилган хоналарнинг майдони айтарли катта эмас. Бунга асосий сабаб ўша давр қишлоқ қурилиш техникининг ҳали яхши тараққий қилмаганини, қурилиш материалларининг камлиги ва қимматлиги эди. Бу ергаги уйларнинг томлари ясси бўлган. Дераза ўринни бажарган ёруғлик дарчалари уйларнинг томларида жойлашган. Бундай деб ҳисоблашимизга қазиш давомида деворларда деразаларнинг ўрилари қайд қилинмаганини асос бўлди.

Оққўрғонда ҳаммаси бўлиб бешта катта уйнинг харобаси очилди. Ҳар бир уйда битта катта патриархал оила яшаган. Бу патриархал оила бир неча кичик оиласардан иборат бўлган. Лекин бу кичик оиласар ҳали катта опладан ажралиб чиқмаган ва алоҳида хўжалик юргизмаганилар. Катта уйлар бир-биридан катта майдончалар билан ажралиб турган. Тахминимизча, бу майдончалар ҳовли ва қўра вазифасини бажарган.

Қазиш давомида Оққўрғондан сопол идишлар, тангалар, ҳайкалчалар, тақиҷоққлар, уй-рўзғор буюмлари топилган. Мазкур топилмалар бу ёдгорликда одамлар нечанчи асрда яшаганини, уларнинг турмуш даражасини, маданиятини, динини, касбларини аниқлаш имконини берди. Топилмалар қишлоқ аҳолисининг моддий маданийти, турмуш даражаси аича юқори босқичда эканлигидан далолат бермоқда. Айниқса, сопол идишлар диққатга сазовордир. Оққўрғонда турли-туман қўзалар, қадаҳлар, косалар, тақсимчалар, хумлар, чойдишлар ва бошқа шаклдаги сопол идишлар топилди. Мазкур сопол идишлар ўзларининг сифати, бежирим шакли ва бағоят нафислиги, кўркамлиги билан ажралиб турди. Идишлар қизил ва жигарранг бўёқлар билан сирланган. Бундан ташқари, улар кўпинча босма нақшлар, ҳайвонлар ва одамлар тасвирланган суратлар билан бе-затилган. Оққўрғонда топилган ҳамма сопол идишлар шаҳар ҳунармандларидан сотиб олинган деб тахмин қилинади. Чунки Оққўрғон яқинида ҳеч қандай сопол идишлар тайёрлайдиган хумдонлар топилмади.

Оққўрғон топилмалари орасида тангалар алоҳида

ўрин тутади. Бу ерда фақатгина юқори қатламнинг ўзидан 150 дан ортиқ мис танга топилди. Уларнинг кўпи Кушон шоҳлари Куджула Кадфиз, Вима Кадфиз, Васудева ва Кушон-сосоний подшолари даврида зарб қилинган. Афсуски, тангаларнинг бир қисмида сурат ва ёзувларни аниқлаб бўлмайди. Бу ерда барча Кушон подшоларининг тангалари учраганилиги диққатга молидир. Бундан, Кушон подшолари тахтга ўтиргандан сўнг ўзидан олдинги подшоларнинг тангасини савдо муомаласидан чиқариб ташламаган экан, деган холоса чиқариш мумкин. Бу факт кушонлар ҳукмронлиги давридаги Бактрия ижтимоий-иқтисодий ҳаётининг кўпгина томонларини очишда муҳим роль ўйнайди. Унинг яна бир муҳим томони шундаки, кичик бир қишлоқда 150 дан ортиқ қадимги тангаларнинг топилиши ўша даврда ёқ қишлоқ аҳолиси орасида товар-пул муомаласи анча ривожланганилигидан далолат беради, чунки бунга қадар ўша даврларда товар-пул муомаласи асосан шаҳарларда ривожланган деб ҳисобланниб келинарди.

Оққўрғон қишлоқ аҳолисининг диний ва дунёвий тасаввурлари ҳақида бу ерда топилган машшоқ аёл, ҳомиладор аёл, чавандоз, кийик, йўлбарс ва қўйларнинг ҳайкаллари орқали фикр юритиш мумкин. Мазкур ҳайкалчалар орасида Будда ҳайкалчаси диққатни тортади. Ҳайкалча горельеф* усулида ишланган бўлиб, тахмонда оёқларини чалиштириб ўтирган ҳолда тасвирланган. Ушбу ҳайкалчанинг Оққўрғонда топилиши будда динининг Бактрия халқи орасида, хусусан қишлоқ аҳолиси ўртасида ҳам тарқалганлигидан далолат беради. Ваҳолонки, ҳозирга қадар будда дини фақат шаҳар аҳолиси орасида тарқалган деб ҳисобланарди.

Оққўрғондаги қазиш ишлари Кушон подшолари даврида қадимги Бактрия қишлоқ аҳолиси ҳаётининг баъзи бир томонларини яхшироқ ўрганиш имконини берди. Чунки қазилган уйларнинг қурилиш услуби Оққўрғонда тахминан 15—17 оила яшаганидан далолат беради. Одатда ҳар бир оила ўртacha 5—6 кишидан иборат, деб ҳисобланади. Демак, Оққўрғон аҳолисининг умумий сони 75—90 кишига яқин бўлган. Улар, асосан, дехқончилик билан шуғулланиб, буғдой, арпа ва тариқ этиштирганлар. Бошқа бошоқли ўсимликлар қолдиқлари ва темирдан ясалган ўроқларнинг топилиши туфайли ана шундай холосага келиш мумкин бўлди. Бундан

* Горельеф — бирор нарсанинг текис сатҳига бўрттириб ишланган ҳайкаллар тасвирига нисбатан ишлатилади.

ташқарى, оққўрғонликлар боғдорчилик ва узумчилик билан ҳам шуғулланишган экан.

Оққўрғонда яшагац катта онлалардан бирп ҳунармандчилик билан шуғулланган бўлса керак, деган тахмин ҳам бор, чунки бу уйдаги топилма шундай деб ҳисоблашимизга асос бўла олади. Хусусан, улар тоштарошлик билан шуғулланишган. Бу ерда уларнинг маҳсус устахонаси ҳам бўлганлиги аниқланди. Оққўрғонлик тоштарошлар урчук боши, тегирмон тоши ва устун тағкурсиларини тайёрлаганлар. Қизифи шундаки, бу ҳунармандлар фақат ўзларининг ёки бўлмаса қишлоқ аҳолисининг эҳтиёжларини қондирибгина қолмай, балки бозорда сотиш учун ҳам маҳсулот тайёрлаганлар. Савдо пул орқали олиб борилган.

Энди сўнгги муаммо устида қисқача тўхталиб ўтамиш. Қишлоқнинг ташлаб кетилишига нима сабаб бўлган? Дастрлабки текширишлар шуни кўрсатадики, оққўрғонликлар ерларини Шеробод дарёсидан чиқарилган канал сувни билан суғорган эдилар. Бу каналнинг узунлиги 20 км га яқин бўлган. Каналнинг бош ишшооти Шеробод дарёсининг тоғлар орасидан текисликка чиқадиган жойида жойлашган. Оққўрғон қишлоғи мазкур каналнинг қўйирогига жойлашган. Қишлоқнинг харобага айланishi асосий сабаб, каналнинг таъмир қилинмасдан ифлослашиб кетганини, шаҳар ҳокимининг каналларни тузатишга қурби етмаганини бўлса керак. Қишлоқ аҳолиси эса ўз кучи билан бундай ишни уддай олмас эди. Дастрлабки археологик текширишлар шуни кўрсатдики, биринчи навбатда каналнинг этагида жойлашган, сўнгра каналнинг ўрта ва юқори қисмида жойлашган қишлоқлар сув етмаслиги натижасида харобага айланган. Канал бошида жойлашган қишлоқларнинг бирида олиб борилган археологик қазиш ишлари ушбу хулосанинг тўғри эканлигини исботлади.

Шундай қилиб, Оққўрғон қишлоғининг харобага айланishi ижтимоий ва сиёсий кризислар билан боғлиқ бўлган десак, хато қилмаган бўламиз. Оққўрғондаги археологик текширишлар ушбу кризиснинг бошланғич босқичи IV асрга тўғри келишини яна бир бор тасдиқлади.

ДИЛБАРЖИН СИРЛАРИ

Жанубий Бактрияда ҳам кушонлар даврига оид бир қанча ёдгорликларда археологик тадқиқотлар олиб борилмоқда. Лекин биз Диљбаржинда олиб борилаётган

археологик қазишларнинг баъзи якуплари ҳақида ҳинк юнити қилиш билан кифояланамиз. Дилбаржин Совет—Афғон экспедицияси томонидан ўрганилмоқда.

Хозир Дилбаржинда шаҳар мудофаа деворлари ва унга шаҳарнинг ички томонидан туташган турли вазифаларни ўтаган хоналар ва ибодатхона очиб ўрганилмоқда. Кушонлар давридаги ибодатхона Асосида Қурилган бўлиб, унинг узунлиги 43,5 метр, эни 32,5 метрга тенг. Ибодатхона асосий диний маросим ўтказиладиган иккى хона, уларни уч томондан ўраб турган қўш узун йўлак ва айвондан иборат бўлган. Асосий маросим ўтказиладиган хонанинг томонлари 11 метрга тенг. Унинг деворлари қадимда диний мазмундаги расмлар билан безатилган. Деворларнинг баъзи жойларида сақланиб қолган бўёқларнинг изи шундан залолат беради. Бу ерда ҳайкаллар ҳам бўлган. Хонанинг деворлари ёқалаб 1 метр энликдаги супа қурилган. Хона ўртасида бўйи 2,5 м, эни 3,75 ва баландлиги 1,8 метрлик тошдан ясалган меҳроб бўлган. Меҳробли хонага кираверишдаги тўртбурчак хона деворидаги расмлар бирмунча яхши ҳисобланган. Айниқса, хонанинг шимолий, яъни меҳробли хона билан мазкур хонани ажратиб турувчи девори га чизилган расмлар дикқатга сазовордир. Бу расмларда ҳиндулар худоси Шива ва унинг рафиқаси Парватининг новвос—Нанда устида ўтиргани тасвиранганд. Новвос Шиванинг ҳаётбахш кучини ифодаловчи ҳайвон бўлиб, у оёқларини йигиб ётган тарзда чизилган ва тасаси оқ бўёқ билан бўялган. Шива ва Парвати ярим ялангоч ҳолда тасвирангандар. Уларнинг иккى томонида иккى одамнинг расми бўлган. Одамлардан бирининг расми деярли сақланмаган, иккичи одамнинг тасвири жуда яхши сақланиб қолган. Унинг эгнида узун оқ кийим. Кўйлакнинг олд қисми йўл-йўл чизиқли бўлган. Унинг ўнг қўли юқорига кўтарилиган. Бизнингча, бу шоҳнинг расми бўлиб, у ўнг қўлинни кўтариб худони кутляяпти. Новвоснинг оёқлари тагида яна бир неча одамларнинг расми бор. Шуниси ажабланарлики, бу одамларнинг расми Шива, Парвати ва шоҳ деб таҳмин килингаётган одамларнинг расмларидан бир неча баробар кичик. Бу билан бактриялик рассом оддий одамлар билан худолар ва шоҳлар орасидаги фарқни кўрсатмоқчи эмасмикан? Тарих фанлари доктори И. Т. Кругликованинг таҳминича, бу расмлар Кушон шоҳи Вима Кадфиз замонида чизилган. Маълумки, Кушон шоҳларидан биринчи бўлиб Вима Кадфиз ўз номини

дан зарб қилинган тангаларниң орқа томонига Шива ва Нандининг расмини жойлаштирган.

Дилбаржининг мудофаа девори ҳам жуда катта майдонда очилган. Очилган майдондаги деворининг қалинлиги турлича сақланган. Баъзи бир жойларда деворнинг баландлиги 8 метргача сақланган бўлиб, унда шинакларниң ўрни ҳам яхши кўриниб турибди. Деворнинг қалинлиги 3 м. Дилбаржининг мудофаа девори асосан хом ғиштлардан қурилган экан. Бошқа шаҳарлардаги каби, бу ерда ҳам деворлар миноралар билан кучайтирилган. Лекин миноралар орасида масофа турлича бўлган. Бу ердаги миноралар ҳам тўғрибурчак шаклидадир. Ваҳолонки, кушонлар даврида асосан ярим айлана шаклидаги миноралар қурилган. Буни юқорида Зартепа миноралари мисолида ҳам кўрган эдик. Шу билан Дилбаржининг миноралари Юнон-Бактрия даврида қурилган минораларга айнан ўхшаш. Демак, бу шаҳарни мудофаа деворлари ва миноралари Юнон-Бактрия даврида қурилган деб ҳисоблаш мумкин. Қазишлар даврида Дилбаржиң деворлари ва миноралари фақат ремонт қилинган. Минораларниң иккинчи қаватига зиналар орқали кўтарилган. Минора ичидаги хоналарга эса мудофаа деворига ёндошлиб қурилган хоналар орқали кирилган. Лекин шаҳарниң ҳамма ері ҳам шундай эмас. Жумладан, шаҳарниң марказий мудофаа девори икки қисмдан — ташқи ва ички девордан иборат. Бу икки девор орасидан узун йўлак ўтган. Шаҳарниң бу қисмида жойлашган миноралар ичидаги хонага ана шу йўлаклар орқали кирилган.

Дилбаржинда ҳозиргача юздан ортиқ хоналар очилган. Бу хоналарда минглаб сопол идишлар, ҳайкалчалар, тангалар, турли-туман тақинчоқлар, меҳнат қуроллари топилган. Улар кушонлар давридаги дилбаржинликларниң моддий маданияти қай даражада эканлигини аниқлашга имкон беради. Дилбаржинда ҳозир ҳам археологик тадқиқотлар давом этмоқда. Аминмизки, кейинги тадқиқотлар натижаси дилбаржинликлар ҳаётини ҳар томонлама чукур ўрганиш учун янада муҳим моддий далиллар беради.

Бактрия археологик ёдгорликлари ва уларда олиб борилаётган археологик тадқиқотларниң умумий натижалари билан таништиришни тугатар эканмиз, яна бир бор шуни қайд қилиб ўтмоқчимизки, мазкур текширишлар кушонлар даврида Бактрия ўз тарихий тараққиётининг энг юқори босқичига кўтарилганидан дало-

лат беради. Бу ҳол иқтисодий ва маданий ҳаётнинг турли соҳаларида ёрқин ўз ифодасини топди. Кушонлар ҳукмронлиги даврида Бактрияда мавжуд шаҳар ва қишлоқлардан ташқари, жуда кўп янги шаҳар ва қишлоқларга асос солниди. Термиз районидаги Зартепа, Вахш воҳасидаги Явон, Кобадиён воҳасидаги Кейобод-шоҳ шаҳарлари, Шеробод воҳасидаги Оққўргон, Мозорбоботепа, Жарқўргондаги Щералитепа, Омонтепа ва Бароттепа қишлоқлари шулар жумласидандир. Кушонлар даврида шаҳарлар ва қишлоқлар ўртасидаги иқтисодий ва маданий алоқалар олдинги даврдагига қараганда янада мустаҳкамланди ва бир-бири билан яқинлашди.

Археологик тадқиқоттар вақтида кушон шоҳлари тангларининг кўхна шаҳар ва қишлоқ харобаларидан кўплаб топилиб туриши, бу даврда вилоятнинг шаҳар аҳолиси орасида ҳам, қишлоқ аҳолиси орасида ҳам товар-пул муомаласи кучли тарақкий этганлигидан ва унинг вилоят иқтисодий ҳаётида муҳим роль ўйнаганидан далолат беради. Бу даврда Бактрияда кўплаб янги катта каналлар, хусусан, Занг, Жуйбор ва ҳоказолар қурилди. Бунинг натижасида экин майдонлари мисли кўрилмаган даражада кенгайди. Меҳнат қуролларининг такомиллашиши эса меҳнат унумдорлигини оширди. Кушонлар даврида шаҳарларда ҳунармандчиллик янада ривожланди. Буни кулолчилик мисолида ҳам кўриш мумкин. Бу даврдаги сопол фақатгина истеъмол буюмлари бўлмай, балки ўша замон кишисининг маънавий дунёқараши ва ҳатто мафкурасини белгиловчи буюм ҳам ҳисобланган. Қолаверса, улар санъат асарлари ҳамдир.

Бактриянинг гуллаб-яшиётган шаҳар ва қишлоқларининг харобага айланishiга нималар сабаб бўлди? Бу саволга жавоб топиш учун тарихга бир назар ташлайлик. Милоднинг III—IV асрларида Бактрияда сиёсий вазият жуда кескинлашиб кетди. У ҳарбий ҳаракатлар майдонига айланди. Бу вақтга келиб Парфия салтанатининг бутун ерларини босиб олишга улгурган ва тарих саҳнасида асосий кучга айланган сосонийлар кушонлар салтанатининг қудрати сусайганлигидан фойдаланиб, ўз ерларини кенгайтириш мақсадида Бактрияга тинмай тажовуз қилаётган эдилар. Узоқ давом этган бу курашда эронийларнинг, гоҳо кушонларнинг қўли баланд келиб турди. Аммо, Бактриядек гўзал ва бош ўлкани босиб олишга ва кушонлар салтанатини узил-кесил тор-мор қилишга сосонийлар эмас, балки

шымолдан, аниқроғи Орол денгизи атрофларидан келген кўчманчи қабилалар уюшмаси мұяссар бўлди. Улар Бактрияни босиб олиб, бу ерда ўз давлатларига асос солдилар. Бу давлат тарихда «Эфталитлар давлати» номи билан маълум.

Мазкур ҳарбий сиёсий ҳаракатлар, сўзсиз, Бактриянинг ижтимоий ва иқтисодий ҳаётига катта салбий таъсир кўрсатди. Шаҳарлар талон-торож қилинди, каналлар ишдан чиқди. Кушонлар салтанатининг емирилишига фақатгина сиёсий омиллар сабаб бўлгани йўқ. Бу ҳаракатни тезлаштиришда салтанат территориясида юз бераётган ижтимоий-иқтисодий ўзгаришлар ҳам муҳим роль ўйнади. Ёзма манбалар ва археологик тадқиқотларнинг гувоҳлик беришича, сўнгги Кушон даврида кушонлар салтанати иқтисодий инқирозга қадам қўйди. Бу иқтисодий барқарорлик қулдорликка асосланган ижтимоий-иқтисодий муносабатлар билан боғлиқ эди. Охирги Кушон шоҳлари даврида қулдорликка асосланган давлат тузуми бошқа антик давлатлардаги каби тараққиётга тўсқинлик қилувчи кучга айланди. Салтанат территориясида янги ижтимоий-иқтисодий муносабатлар, яъни феодал ишлаб чиқаришига асосланган муносабатлар пайдо бўлаётган эди. Вақт ўтиши билан эски ва янги ишлаб чиқариш муносабатлари ўртасида ги зиддиятлар жуда кескинлашиб кетди. Бу зиддиятлар мамлакат ҳаётига таъсир этмай қолмади.

Салтанат территориясида юз бераётган бу сиёсий ва ижтимоий-иқтисодий ўзгаришлар археологик ёдгорликларда ўзининг ёрқин ифодасини топди. Археологик тадқиқотларга қараганда Бактриядаги бир талай шаҳар ва қишлоқларнинг харобага айланиши мана шу даврга тўғри келди. Далварзинтепа, Холчаён, Дилбаржин, Зартепа, Жондавлаттепа каби шаҳарлар шулар жумласидандир. Айрим шаҳарларда кейинчалик ҳаёт қисман тикланди.

Шундай қилиб, кушонлар салтанати тарих майдонида ўз ўрнини бошқа, ўзидан кучлироқ сиёсий уюшмаларга бўшатиб берди. Лекин бу билан биз кушонлар инсоният тарихидан бутунлай ўчиб кетди, демоқчи эмасмиз. Улар ўзларининг тахминан 400 йиллик ҳукмронлик даврида инсоният тараққиёти тарихида ўчмас из қолдирдилар. Бу даврда яратилган ноёб санъат асарлари унинг ўтмишидаги қудратидан далолат бериб турибди. Кушонлар даврида яратилган санъат асарлари кўпгина дунё музейларининг кўрки, ўтмиш авлодлари кушон салтанати территориясида яшаган халқларнинг эса обруёси ва нуфузи ҳисобланади.

МУНДАРИЖА

Кириш	3
Илк күшонлар ватанида	4
Шаҳзода саройи	9
Айртом пирамони	16
Термиз ибодатхоналари	18
Далварзинтепа — илк күшонлар пойтахти	24
Вилоят шаҳарларидан бирида	28
Күшон қишлоқларини излаб	30
Дилбаржин сирлари	38

Ш. ПИДАЕВ

**ЗАГАДОЧНАЯ КУШАНСКАЯ
ИМПЕРИЯ**

На узбекском языке
Ташкент, «Фан»

*Узбекистон ССР ФА илмий-оммабоп адабиётлар
таҳрир ҳайъати томонидан нашрга тасдиқланган*

*Мұхаррір Н. Қосымова
Рассом А. Баҳромов
Техмұхаррір Н. Абдурағимонова
Корректор С. Закирова*

ИБ № 5268

Теришга берилди 05.09.90. Босишига рухсат этилди 01.11.90. Формати 84×108 $\frac{1}{3}$ з. Босмахона қорози № 1. Адабий гарнитура. Юқори босма. Шартлы босма т. 2,10. Ҳисоб-нашриёт т. 2,2. 3000 нусха. Буюртма 240. Балықсы 10 т.

*УзССР «Фан» нашриёти: 700047. Тошкент, Гоголь күчаси, 70.
УзССР «Фан» нашриётининг босмахонаси: 700170. Тошкент, М. Горький шоҳ күчаси, 79.*